

Protocol dalla radunonza communal dils 28 da november 2014 allas 20.15 uras en casa da scola a Breil-vitg

Perstgisas: Marcus Brunner, president cussegl da vischnaunca

Presenza: 46 persunas

Tractandas:

1. Beinvegni ed approbaziun dil protocol dalla radunonza dils 25 d'avrel 2014
2. Preventiv e quen d'investiziun 2015
3. Pei da taglia 2015
4. Orientaziun / discussiun concept da traffic
5. Orientaziun vendita localitads (remplazzament entras stabiliments Bostg)
6. Varia

Beinvegni ed avertura

Il president communal, Richard Caduff, fa a tuts presents in cordial beinvegni ed orientescha la radunonza partenent entgins fatgs actualmein en elaboraziun. Denter auter menziunescha el il stan da baghegiar dallas vias (Canal, Sut Baselia a Danis e Stretga – Bostg), sco era dils stabiliments Bostg. Vinavon informescha el sur dallas midadas da personal tier la gruppa stradala, la gruppa forestala sco era sin canzlia.

Sco dumbravuschs vegnan Erwin Caduff, Breil e Cuno Berther, Breil, nominai ed elegi unanim.

La gliesta da tractandas, ch'ei stada publicada els davos fegls ufficials, vegn suttamessa alla discussiun. Da tala vegn buca fatg diever e per consequenza vegn la gliesta declarada ligionta per la radunonza communal da questa sera.

1. Approbaziun dil protocol dalla radunonza communal dils 25 d'avrel 2014

Il protocol ei staus exponius sin canzlia communal sco era sin la pagina d'internet dalla vischnaunca. Dalla discussiun vegn fatg negin diever. Il protocol vegn per consequenza approbaus entras tscharna unanima.

2. Preventiv e quen d'investiziun 2015

Il preventiv siara suenter expensas da frs. 8'584'000.00 ed entradas da frs. 8'588'850.00 cun in surpli entradas ell'altezia da frs. 4'850.00. Las amortisaziuns previdas muntan a frs. 850'000.00. Il quen d'investiziun preveda expensas da frs. 1'380'000.00 ed entradas da frs. 686'000.00. Las investiziuns netto muntan per consequenza a frs. 694'000.00.

Il president communal resumescha il preventiv dil quen current sco era il quen d'investiziun e dat sclariments necessaris tier diversas posiziuns. A pintgas damondas vegn dau cuortamein risposta. Ils presents approbeschan il preventiv 2015 cun tscharna unanima e senza resalvas.

3. Pei da taglia 2015

La suprastanza communal ed il cussegl da vischnaunca ein sefatschentai cun la damonda e proponan alla radunonza communal da schar il pei da taglia ordinari sco tochen dacheu, v.d. sin 100% dalla taglia cantunala sempli. Era il pei dalla taglia sin schischom duei restar sco tochen dacheu sin 1.7%o.

Las damondas vegnan suttamessas alla discussiun. Da tala vegn buca fatg diever. Cun tscherna unanima decida la radunonza communal da fixar il pei da taglia ordinari sin 100% dalla taglia cantunala sempli ed il pei dalla taglia sin schischom sin 1.7%o.

4. Orientaziun / discussiun concept da traffic

En la radunonza communal dils 29 da november 2013 ei vegniu informau sur dil concept da traffic. El decuors dil davos onn ein eintginas mesiras vegnidas fatgas per garantir la segirtad sin nossas vias. En la seduta dil cussegl dils 12 d'uost 2014 ein las mesiras fatgas vegnidas presentadas. Sin fundament da quella presentaziun ei il cussegl staus dil meini che las mesiras seigien suffizientas. Ils presents ein era cuntents cun quellas mesiras e giavischan neginas mesiras supplementaras.

Eugen Friberg declara sco la gruppa da lavur ha mess ensemen ils novs nums e las numeras da via. La gruppa da lavur (Eugen Friberg, Ciril Friberg e Ludovic Desax) che ein sefatschentai cun il novs nums, han sespruau da mantener il nums da quartier ton sco pusseivel. Dapertut ha han els buca saviu far quei ed aschia stuiu ir en in compromis. Sin las damondas fatgas ha saviu vegnir dau risposta.

5. Orientaziun vendita localitads (remplazzament entras stabiliments Bostg)

Richard Caduff informescha sur dalla intenziun da vender el proxim onn entginas localitads da vischnaunca. Cun prender en funcziun ils stabiliments Bostg vegn enqual local buca duvraus pli dalla vischnaunca. El proxim onn vegnan ord quei motiv entginas localitads screttas ora per vender.

6. V a r i a

Richard Caduff engrazia per la presenza, la participaziun e la confidonza e siara la radunonza allas 21.40 uras, giavischond in bi temps d'advent sco era ina buna finiziun digl onn vegl. Vinavon fa el attents sin las elecziuns communalas che han liug proxim onn el meins matg.

Breil, igl 1 da december 2014

Il president

Igl actuar


